

Diuqmiuh Ginhcouh

□ Daegyngz Godoq



▲ Ciet diuqmiuh vunzlai angq diuqfoux.

▲ Bingzciengz vunzlai youq gyaeuj mbanj diuqmiuh.

◀ Diuqmiuh biujyienj ndeiyawj dangqmaz.



▲ Diuqmiuh dwg dangdieg aen hozdung hungnaek ndeu.

Diuqmiuh cienzlah youq Ginhcouh Si, dwg cungj hozdung ciethciq ndawbiengz, miz vwnzva Bouxcuengh Bouxgun doxgyaux youq ndaw. Cienzlah youq Ginhcouh Si gak yienh, gih, daihbouhfaenh cienzlah youq Ginhnanz Gih, Ginhbwz Gih, Lingzsanh Yen caeuq Bujbwz Yen doenghgiy mbanj Bouxcuengh Bouxgun, cungj hozdung neix gaenq miz 470 lai bi nanz lo.

“Diuqmiuh” dwg vunzlai baiq miuh ndawde aen hongsaeh cei q hungmbwk ndeu; youh heuhguh “ciet gyaeujndoi”, mizmbangj deihfueing youh heuhguh “gwn miuh”; aenvih cungj hozdung neix daihbouhfaenh youq gyawj miuh henz mbanj gwnz bodaemq roxnaeuz gyaeujndoi guh, neix couh heuhguh “diuq gyaeujndoi”; aen ciet neix naekhung yaek lumj gvaqcieng. Moix bi liggaueq bet nyied daengz cib nyied, dwg duenh guh hozdung diuqmiuh, gonqlaeng guh sam ndwen lai, guh baenzneix nanz, diegwng ndawbiengz mbouj daih raen miz.

Diuqmiuh hozdung youz doenghgiy doihdiuqmiuh dangdieg guh, youz boux saefouh daeuz gaemguenj. Aen doihdiuqmiuh miz 22 daengz 30 bouxyienj. Diuqmiuh seizhaenx, gyoengq bouxyienj daenj ndangdaenj ciuhgeq, daenj mauh daenj ngeggoemq, fwngz gaem cax fouj giemq faex canj daengj doenghyienh yienj bouxsae bouxdauh. Biujyienj le, mizseiz lumj miz fangz miz sien, ciengzmienh caemrwrwk nei mizdi dwglau, mizseiz ndeiriudangqmaz, vunzlai humxyawj riu goksa.

“Diuqmiuh” dwg cungj hozdung dauhyaz ndeu, aeudaeuj coengh gak mbanj laeh fangz cawz raq, gouz ndaem maz ndaej maz, vunz caeuq doihduz caez onj, bauj ndaw mbanj seuqcingh. Guh hozdung mboengq

haenx, miz boux ndeu roq gyong vixyinx, miz song boux roq laz doxboiq, goengdauh riengz sing yinhyoz, miz gonq miz laeng ciengqgo diuqfoux. Hoeng, ndawde ciengqgo mbouj diuqfoux, diuqfoux mbouj ciengqgo.

Baez diuqmiuh gingciengz daj lajbyonghngoenz heijguh, daengz ngoenzlaeng banhaet guhsat. Doengh mbanj guh diuqmiuh haenx, ranzranz gaj mou gaj bitgaeq roxnaeuz gaj cwzvai, guhdonq cingj hek daeuj gwn. Vunz dangdieg nyinhnaeuz ranz lawz cingj ndaej hek cei lai, ranz haenx couh bihaenx seizheiq cei ndei. Neix vunz mbanj wnq hix daeuj camgya.



▲ Bouxyienj diuqmiuh baijok aen ngeggoemq.



▲ Boux saefouh (bouxroq-gyong) son' gyauq lwgsae diuqmiuh.



▲ Bujbwz Yen aen ciengzmienh vunzlai yawj diuqmiuh.

Diuqmiuh youz vwnzva Bouxcuengh dangdieg hwngfat daeuj, daengzlaeng ndawde mboujduenh suphaeuj vwnzva ngoenzciet Bouxgun, neix yienh'ok doenghgiy vwnzva maenhndei Bouxcuengh Bouxgun cojcieng haenx doxgyaux doxyungz. Vunz Bouxcuengh Bouxgun doengz-caez diuqmiuh, doxbang doxcoengh, doxnai doxgyaez, doengzcaez maqmuengh vunz caeuq doihduz caez onj, ndaem maz ndaej maz, neix coihaeuj minzcuz doxgiet huzndei.

2014 nienz 11 nyied 11 hauh, diuqmiuh Ginhcouh ginggvaq Gozvuyen baecinj, ndaej liedhaeuj daih-seiq buek guekgya gaep feihvuzciz vwnzva yizcanj gya'gvangq mingzloeg.



▲ Bouxsughangz cingq guh ngeggoemq diuqmiuh.



▲ Gyoengq lingjdauj yawj vunzlai diuqmiuh.



▲ Doenghgiy ngeggoemq diuqmiuh.